

GWERZ ANN OTRO MOING

PERSON LANVELLEK

Kanet dézhau gant tud hé barroz, dé woel he hanter-cant vla
a berson, ar bemzek a viz du 1874



WAR DON : *Goûtez, âmes ferventes...*

Diskan kentan.

O Doué madélézuz,
Pell c'hoaz dimp-ni miret
Eunn tad ken karantézuz,
Hon ferson biniget. (bis.)

1. Goél braz dimp, Lanvellégiz,
Goél braz dimp oll hirié ;
Demp a vanden d'ann iliz
Evit meuli Doué.
2. Hanter kant vla zo baoé
Ma oé da Lannéber
Ann otro Moing, gant Doué,
Kaset d'hé c'hadober (1).
3. Aboé tri bla oa bélek
Ha kuré enn Yviaz :
Bian oa hé vrézonek,
Mes hé galon oa braz (2).
4. Enn berr amzer hé barrez
A oé gret a néwé,

(1) Parroz Lannébert a défoa kollet kalz gant ar Révolution vraz.

(2) Ann otro Moing, o véan deuz Quintin, na wouié ket c'hoaz kalz a vrézonek.

- Gant hé skiant, hé furnez,
Hag ho poania noz-dé.
5. Na neuz ket enn Eskopti,
Enn dévez a hirié,
Parrez a vé trec'h d'ezhi.
Evit sikour ar fé.
6. Lannéber da Lanvellek
Hen roas 'n eur woéla ;
Hag amañ chom kalonek,
Prest vo daou-ugent vla.
7. 'Vel 'n euz 'n hé barrez kentan
Laket al lann da brad,
ENN hon touéz, bété vréman,
'Neuz dalc'het d'ober vad.
8. Hon iliz a oa dister
Hag enn douar kuzet :
Sellet-hi bréman ken kaer,
Hé fenn enn oabl zavet.
9. Pell pell euz a di Doué
Ti-r-bélek oa tolet
Hag hen, diwar he zanvé,
A neuz ho zöstaet.
10. Hon merc'hédigo bian
N'ho défoa skol abéd,
Er gouent néwé, bréman,
Ho deuz léanézet.
11. Ar béwien oa dilézet,
Ann dud koz, ar ré glan ;
Hon fastor d'hé neuz rôet
Mammo ar ré wellan.
12. Piou a laro ann oll vad
A ra bemdé 'n hon touéz
Ann hini zo dimp eun tad,
Eur skoér a zantélez ?

13. Dimp oll e neuz diskooéet
Gwir hent ar baradoz,
Hon rénet, hon diwalllet
Hag enn dé hag enn noz.
14. Ar gozni c'hoas na ra ken
Met gwellaat hon ferson ;
Dre ma koé 'n erc'h war hé benn
Sao ann tan 'n hé galon.
15. Difen ra-r-Pab, ann Iliz,
Ann oll gwirio kristen,
Ho kerzat skany ha diskuiz
Warlerc'h an Eskibien.
16. Bet 'neuz meur a wall amzer
Ha meûr a var awel,
Bépret talc'hé d'hé zéver
Hep na trouz na brézel.
17. Evel ar Pastor kentan,
Jézuz, Salver ar bed,
Hé vué n'éo ket dézhan,
Oll é c'héo d'hé zenved.
18. Pébez skoër eo hé vué !
Na kaer eo hé gozni !
Pégen douz dimp oll hirié
Nem dastum d'hen meuli.
19. Ar baradoz zo ivé
A unan ganimp-ni,
ENN touéz ar Zent, ann Elé
Nin gléo hé veulodi.

20. Pégément a drugaré
Na dléomp-ni ket c'hoaz
Nin, Eskob, ho pugalé,
D'ho karanté ken vraz ?

Eil Diskan.

O Doué madélézuz,
Pell c'hoaz dimp-ni miret
Eunn tad ken karantézuz,
Hon Eskop biniget. (*bis.*)

21. Abenn diwech, en tri bla,
C'houi ho c'heuz teurvéet
Dont abell d'hon binniga
Oll, pastor ha denved (1).
22. Hirié ret dimp eunn énor
Zo dreist peb meulodi,
Enn eur zevel hon fastor
D'ar renk a chaloni.
23. Eskop zantel, ho c'hano,
Gant hini hon ferson,
Da virviken a chomo
Skrivet enn hon c'halon.
24. Ha bréman, nin a c'houlen
Euz daou dad ho bennoz,
Ma vimp oll ho c'hurunen
Enn gloar ar baradoz.

Diskan diwean.

O Doué madélézuz,
Pell c'hoaz dimp-ni miret
Daou dad ken karantézuz,
N'hon dispartiet ket. (*bis.*)

Amen.

J.-M. AR GUILLOU.

Person Tonquédek, bet kuré gant ann otro Moing, enn Lanvellek.

(1) Bréman so tri bla, ann Otro 'n Eskop a oa bet enn Lanvellek, évit konfurnin ar vugalé, sakrin ann ilis hag énori goél hanter-kant vla a vélégiag ann otro Moing.